

Universitätsbibliothek Paderborn

V. P. Gasparis Druzbicki, Societatis Jesu, Opera Omnia Ascetica

Aucta Duobus Opusculis De Effectibus, Fructu, Et Applicatione Sanctissimi
Missæ Sacrificii, Et De Sublimitate Perfectionis Religiosæ. Catalogum
Tractatum Asceticorum Omnium Vicina Post Dedicationem Pagina
Indicabit

V. P. Gasparis Druzbicki, Societatis Jesu, Tractatus De Moribus, Amore,
Servitio Æternæ Sapientiæ

Družbicki, Kaspar

Ingolstadii, 1732

VD18 90066375

Cap. XVIII. Æternam Sapientiam sibi desponsandi ratio.

urn:nbn:de:hbz:466:1-45408

O Æterna Sapientia, quæ Ministros tibi dignos
tefacis, & cui subesse atque ministrare, dignitas est,
refisce in me vilissimum opus manuum tuarum, & fa-
cito me ministrum tuum dignum Te. Non sum qui-
dem ego dignus & aptus, ut in totâ vitâ meâ, & si
foret æterna, vel per unum momentum ministrem
Majestati tue; sed Dignitas tua tanta est, & obli-
gatio mea, ut debeam tibi, per omnia totius Æter-
nitatis momenta, omnibus omnium rerum viribus
quâm per conatibusque totaliter servire, meque ministerio tuo
superimpendere. o Sapientia, utere me digne te, ad
exaltandum Te, ad humiliandum me, juxta Adoran-
de Voluntatis tue placitum; & propter nullum præ-
mium meum. Tibi soli sit omnis honor & cultus, &
Amor in secula.

CAPUT XVIII.

*Aeternam Sapientiam sibi Desponsandi
Ratio.*

NON est ambitio humana, sed Dignatio Divi-
na, quod creatura vilis, audeat tantum sibi
assumere, ut Despositionem Æterne Sapientie,
eiusque connubium & complexum, præsumat
concupiscere. Dignatus est hominem sibi unire
Hypostatice & substantialiter Deus: quomo-
do non dignabitur Animam sibi unire, Mystice
& Spiritualiter? Non tantum dignatur, sed etiam
imperat & jubet, molestumque est illi, si rarius
fruitur hujusmodi Sponsalitiis, delitiis, atque a-
moribus. quin imò propter hoc præcipue venit
Increata Sapientia, factaque est Incarnata, ut ho-
mini & animum daret, & modum ostenderet ad
Sponsalia veniendi Divina. Nam ubi homo vi-

64.

D 3

det

54 . *Tractatus de Moribus, Amore,*
det Voluntatis & Dignationis Divinæ fuisse u
Deus Homo, & Homo Deus fieret: quomodo
jam dubitet esse etiam Voluntatis Dignationisque
Divinæ, ut homo Sponsus Dei fiat, jungaturque
illi amore, quem videt sibi potuisse jungi nau
rā, personā, substantiā? Audeat ergo homo
præsumere, quod Dignatur Majestas æternade
siderare. Assumat in sponsam Ratio Sapientiam,
nec tatur Radius Soli, rivus fonti, effectus Cauli,
Creatura Creatori, Vilitas Dignitati, nihil End
Homo Deo.

65. Sed quis modus erit in re quæ est supram
dum? Arbitror, nulli eo usque audaciæ pro
dendum, nisi prius persenserit, se ad id prælum
ptionis dignanter vocatum: Nam omnes quidem
vocat Sapientia ad convictum & consortium su
um; sed facit hac in re tamen discrimina, nec tem
erè quoslibet ad intima intromittit. Special
ter vocat, specialiter præparat, ornat, anima
quos adeò specialiter honorare cogitat. Sunique
hujus Vocationis signa ordinaria, nec obscur
nec pauca, e. g. Mortificatio sensuum, & Odium
sensualitatum, Veritatis Amor, Puritatis interna
studium, Mansuetudo, Phantasmatum raritas &
quies, Desiderium placendi Sapientiæ, Vita et
Rationis & Fidei præscripto diu diligenterque do
cta. Sapientiæ mundi & judiciorum humano
rum neglectus & irrisio, Cupiditas intima cordo
inhærendi fruendique Æterna Sapientiæ, quam
non pariat turbida de Propriâ Dignitate sancta
tevè præsumptio & opinio; sed humilis amor lo
que ad Æternam Sapientiam affectio, identiden
que intus in animo ad id desiderandum percep
impulsio atque invitatio. Hæc in se qui senserit,
vocan

vocari se non dubitet ; sed post hæc, quoniam vocetur sciat oportet. Noverit quid & quænam sit isthæc Æterna Sapientia, & noverit notitiâ non communi, sed Altiori quadam, quam nemo scit nisi qui accipit, & quæ in hoc negotio est omnium difficillima : nec ferè obtinetur, nisi donetur. non donatur autem, nisi magnis & generosis sui propter Deum contemptoribus, famæque & honoris sui calcatoribus, propriæque stultitiae & defectuositatis professoribus. Quâ in re quanto qui amplius proficiunt & excellunt, tanto postmodum penitus in arcâ Æternæ Sapientie ab ipsamet Sapientiâ inducuntur. Inductus vero quis ad dictam altiorem Sapientie Notitiam nullo negotio illius magnus æstimator & admiratore evadit. Sapientia est omnium rerum pondus, pretium, Dignitas, valor, artifex, regula, ratio. proinde si hoc esse cognoscatur, non potest non præ omnibus pretiosa & mira videri. Ab æstimatione porrò admirationeque Sapientie, transiit ad Amorem atque Desiderium illius, & quidem non vulgare, sed ardens, tædiosum, semper crescens, inquietum, laboriosum, famelicum, absorptivum.

Istiusmodi autem desiderium, stimulat & urget animum ad præparandi sui studium. Animus ergo succensus desiderio fruendi & potiundi Æternâ Sapientiâ, totum se colligit, ab omnibus avellit, omnibus expurgat, non tantum sordibus, sed etiam sordium vestigiis : non tantum terrenis ac sensualibus rebus, sed etiam rerum imaginibus, omnia à se amputat non necessaria, ipsa etiam minuit & ordinat necessaria, sursum se semper erigit, in supernis semper quidquid aliud

D 4

agat

36 Tractatus de Moribus, Amore,
agit se defigit: quoties se ab inde prolapsum adve-
tit, toties eodem incessanter & infatigabiliter redi-
re compellit. & denique, quantum fieri potest
continuo per memoriam & Amorem Aeternam
Sapientiae semper inhæret, illam vigilans, illam
dormiens, illam loquens, illam tacens, illam mo-
rans, illam studens, legens, scribens, docens,
illam ambulans, illam sedens, illam tandem ubi-
que vivens & moriens præ oculis habet, fove-
amat, æstimat, concupiscit, laudat, osculatur,
adorat, ambit, deprecatur, orat, consulit, quo-
tius munusculisque prosequitur: illi soli se serva-
ornat, ditat, exercet, præsentat. illi soli vivit, illi
soli placere, servire, ad palatum & Gustum aliquid
facere, vitæ Beatitudinisque instar dicit. Et quia
hæc aut pauca aut parva viliaque ducit, suis ipsis
industriis, operibusque inopibus minime contem-
nus, ideò aliorum quos Sapientiae certò novit pla-
cuisse, delitososque fuisse, implorat emendac-
tione Suffragia. incipiens à minimo Angelo, à mi-
nimo Sancto usque ad ipsam Sapientiae Matrem
Prestiosissimam progreditur, & dignos Aeternam
Sapientiam ornatus apparatusque corradit, qui
etiam ipsius se Sapientiae Incarnatae vestit Digna-
tionibus, instruit donis, ditat meritis, assimilat
moribus, succedit Amoribus.

68.

Hic jam concepta fiduciâ non ex suis, sed ex
ipsius Sapientiae Gratiis, ambitiosa sua explicata
dat se, & postulat vicissim pro se, coram Aeternâ
Individuaque Trinitatis Majestate, in conse-
ctu totius cœli, celebrat Sponsalia cum Aeterna
Increatâ, Incarnata Sapientia. fit Sponsus & Spon-
sam habet, contrahit, complectitur, fructus, &

beatus

*beatus est, si non plenè, at ex parte, si non semper,
at sèpè, at interdum.*

O Pretiosissima, ô Pulcherrima, ô Dignissima
Æterna Sapientia, que medicet universæ vilitatis
vilitatem atque purgamentum; tamen gratuitâ, solâ
Et purâ Misericordiâ, Gratiâque tuâ condis, servas,
ditas, salvas, beas. Te, ego coram Adorandâ Indi-
viduâque TRINITATE, coram omni aulâ cœlesti,
Pretiosissimâque Parente tuâ Virgine MARIA, nul-
lis licet meis suffragantibus meritis, sed solis tuis invi-
tantibus auxiliis: Eligo, accepto, accipio mibi in
Sponsam sempiternam; meque vicissim tibi dono,
Trado, despondeo in Sponsum perpetuum: volo que
totus Tuus esse, in omnibus tibi servire, omnia ad Gu-
stum tuum facere, in omnibus majus tuum Benepla-
citum, majoremque Gloriam tuam querere Et spe-
clare: in omnia tua commoda totum me semper im-
pendere, Tibique in æternum adhærere. Nullum
pro hac re abs te præmium postulans Et expectans,
nisi ut Tu sis Sponsa mea suavissima, Et ego Sponsus
Tuus, gratissimus, Tibi, semper, utque utaris me toto
juxta omne placitum tuum, Et ad Gustum Adoran-
dæ Voluntatis tuæ, Et ad Exaltationem Em. nentissi-
ma Dignitatis tuæ. Tibi cum PATRE, Et Sancto
SPIRITU, sit Æternitas G'loriosa, Et Gloria
Æterna.

Hujus cum Æternâ Sapientiâ Desponsatio-
nis præcipuum munus, finis, exercitium, Praxis,
& negotium, & quasi compendium est positum
in hoc, ut perpetuâ (quantum in hâc vitâ fieri
potest) memoria habeatur Æternæ Sapientiæ, ita
tamen ut hæc memoria non sit sterilis, & merè
(ut vocant) speculativa, sed fructuosa, & practi-
ca, sive operativa. Quæ operatio consistit in

58 *Tractatus de Moribus, Amore,*
hoc ut dum memoriam præsentis nobis Sapientiæ Dei retinemus, excitemur ejus Præsentia & conspectu ad varios affectus & effectus v. g. ut in conspectu ejus nihil indignum oculis ejus committamus. 1. Sed ita vivamus ut speciosissimus ille purissimusque oculus nihil inveniat quod reprehendat. 2. Ut non solum nihil agamus mali, sed etiam si quid agimus boni, agamus cum maximâ perfectione & fervore & juxta gustum Sapientiæ, Heroicoque cum conatu. 3. Ut quantum fieri potest teneritudine Amoris vel fame sitique desiderii, vel familiaritate collocationis mutuæ, vel confidentiâ communicationis, vel secretâ complexum conjunctionumque fruitione & satietate, in eam (utpote præsentem, & quidem Sponsam) rapiamur, neque tamen interea à necessariis occupationibus, debite peragendis avocemur. Quæ res non est quidem (fateor) humanarum virium: (quid enim nos sumus nobis, nisi duces in præcepsum & pondera in nihilum?) tamen qui amant Sapientium, & qui amantur ab illâ facile hoc illis usi fiet, & tempore; modò non fatigentur initio sele ostentante difficultate.

*Fac ô Sapientia Æterna ut convivamus tibi
digne Te; omnia enim possumus, nos infirmi, per te
nihil possumus nos robusti sine Te. Quia omnis suffi-
cientia nostra est ex te. Tibi Gloria & Benedictio
& Gratiarumatio ab omni Creatura in secula.*

CAPUT